

Pwoteksyon kont Vòl Idantite

Konsèy pou Pwoteje tèt ou kont vòl idantite

Vòl idantite se youn nan domèn krim sou konsomatè k ap grandi pi rapid nan peyi a, epi youn nan sa ki pi difisil pou rezoud, yon fwa li pran plas. Pwokirè Jeneral la ak Inite Pwoteksyon Konsomatè Depatman Lajistis la ofri konsèy sa yo pou pwoteje sitwayen Delaware kont Vòl Idantite yo.

1. Pwoteje enfòmasyon finansye ou. Pa janm bay yon moun ou pa konnen nimewo sekirite sosyal ou, nimewo kat kredi, nimewo kont labank oswa nenpòt lòt enfòmasyon pèsònèl oswa finansye. Epi pwoteje tout resi ou yo - sitou si yo reflete nimewo kont finansye ou yo.

2. Annafè sèlman ak fournisseurs ki gen bon repitasyon. Evite annafè ak biznis ou pa konnen, sitou lè òf yo vin jwenn ou pa imel oswa atravè apèl telefòn moun ou pa konnen yo. Kèlkeswa jan afè a ka parèt bèl, ekate w. Vòlè idantite yo souvan lanse bèl afè pou asire yo ka atire viktim yo byen vit.

3 Tcheke rapò sou kredi ou souvan. Prèw vòl idantite souvan parèt anvan viktim nan menm reyalize sa ki te pase a. Kriminèl yo souvan eseye jwenn yon kredi sou non lòt moun nan oswa nimewo sekirite sosyal li, epi tantativ sa yo ap parèt sou rapò biwo kredi yo.

Pou ou jwenn *rapò kredi ou a gratis*: Ale nan www.annualcreditreport.com, rele 877-322-8228, oswa poste demann ou an bay Sèvis Demann Rapò sou kredi anyèl, P.O. Box 10521, Atlanta, GA 30348-5281.

4. Fè ensten w konfyans. Si w santi w pa alèz pou w fè biznis ak yon moun, oswa si w santi w gen presyon pou w bay enfòmasyon konfidansyèl ou, ekate w. Li pi bon pou w pran tan pou w byen reflechi sou yon òf epi pou w fè plis rechèch pase pou w remèt enfòmasyon konfidansyèl pèsònèl ou oswa enfòmasyon finansye w bay yon kriminèl. Biznis lejitim yo vle biznis pou w fe yo retounen, epi yo ap kontan ba ou tan pou fè devwa ou an premye.

Kisa pou w fè si Ou Sispèk yon Vòl Idantite

Si w se yon viktim Vòl Idantite, Pwokirè Jeneral la rekòmande pou w pran etap sa yo imedyatman:

Etap 1: Kontakte lapolis.

Premye etap ou bezwen fè se rapòte fwod la bay depatman lapolis lokal ou a. Etap sa a enpòtan pou de (2) rezon: Premyèman, li avèti lapolis lokal yo imedyatman sou krim lan. Dezyèmman, li

etabli ke ou te aji avèk dilijans, epi li pèmèt ou jwenn yon rapò lapolis, nimewo plent oswa lòt dosye ki sanble, ke ou ka bezwen lè w ap kontakte kèk nan kreditè ou yo. Si w pa sèten ki ajans lapolis pou w kontakte, tanpri rele Inite Pwoteksyon Konsomatè Pwokirè Jeneral la nan (800) 220-5424. Inite Pwoteksyon Konsomatè a ka ede w antre an kontak ak ajans lapolis ki apwopriye a, epi li ka reponn tout lòt kesyon sou Vòl Idantite ou ka genyen.

Etap 2: Rapòte fwod la san pèdi tan bay twa gwo biwo kredi yo.

Paske vòlè idantite yo souvan eseye jwenn kredi sou idantite w, li enpòtan pou w kontakte twa gwo biwo kredi yo san pèdi tan pou w rapòte fwod la. Mande chak biwo kredi yo pou yo pran yon rapò, epi mete yon "alèt fwod" sou rapò kredi ou.

Epitou, mande chak biwo kredi pou voye yon kopi rapò kredi w la ba ou pou w ka detèmine kantite aktivite kredi ilegal yo fè ak idantite w la. Si ou deja gen yon rapò lapolis, nimewo dosye oswa nimewo plent nan men ajans ki fè respekte lalwa lokal ou a, ou ta dwe bay twa gwo biwo kredi yo enfòmasyon sa yo tou, pou ede yo mennen ankèt sou tout kont yo fè kontestasyon sou yo oswa lòt rapò sou fwod.

Etap 3: Konsidere mete yon sekirite friz sou rapò kredi ou a pou anpeche yo lage done ou yo san otorizasyon.

Equifax Security Freeze
P.O. Box 105788
Atlanta, GA 30348
<https://www.freeze.equifax.com/>

Experian Security Freeze
P.O. Box 9554
Allen, TX 75013
<https://www.experian.com/freeze/center.html>

TransUnion Security Freeze
P.O. Box 2000
Chester PA 19106
<https://www.transunion.com/credit-freeze>

Etap 4: Kontakte Depatman Fwòd pou chak kreditè ak bank ou yo.

Lokalize enfòmasyon tout kat kredi ou yo, bank ou yo ak lòt enfòmasyon sou kreditè yo (tankou sèvis piblik, kab, elatriye) epi kontakte depatman "fwod" yo. Rapòte fwod la bay chak kreditè, menm si kont ou genyen ak kreditè sa a pa te afekte dirèkteman pa vòl idantite a, pou asire ke chak kreditè konnen posibilite pou yon krim t ap fèt. Mande chak kreditè pou mete yon "alèt fwod" sou kont ou yo. Si gen chaj sou kont ou ki ilegal, pifò kreditè yo pral mande w tou pou w soumèt yon rapò alekri sou fwod la, ansanm ak yon rapò lapolis, oswa yon nimewo plent lapolis oswa yon nimewo dosye. Si w bezwen èd ak youn nan etap sa yo, ou ka kontakte Inite Pwoteksyon Konsomatè Pwokirè Jeneral la nan (800) 220-5424 pou mande Twous pou Idantifye Viktim Vòl Pwokirè Jeneral la. Twous sa a gen tout sa ou bezwen pou rapòte rapidman vòl

idantite, epi li gen ladan tou yon Deklarasyon sou Sèman pou Vòl Idantite ke ou ka itilize pou soumèt rapò vòl ou a bay kreditè ou yo.

Etap 5: Rapòte fwod la bay Komisyon Komès Federal la.

Komisyon Komès Federal la ("FTC") kenbe yon baz done nasyonal konfidansyèl sou Vòl Idantite, epi li ka kapab ede tou nan pouswiv vòlè idantite atravè chanèl federal. Ou ka kontakte FTC a nan (877) IDTHEFT (877-438-4338)